

聞

發願

存神復爐

香官使者左右龍虎君侍香諸靈官當令臣清旦陞壇行道之所自然生金液丹碧芝英

百靈衆真交會在此香火爐前令臣學道得道求仙得仙齋主受福幽顯沾恩十方仙童玉女侍衛蘭烟傳臣向來所啓之誠速達徑御

太上元極大道至真玉皇上帝 御前

出堂頌

靈寶領教濟度金書卷之一百六十四

靈寶領教濟度金書卷之一百六十五

洞微高士開光救苦真人龔全真授靈寶通玄秘教水南先生林靈真編

科儀立成品 預修黃錄

第二日午朝儀

各禮師存念如法

衛靈

黃中策炁斬滅妖宗 還絕邪源 制斷魔蹤

太上符命 召制神功 萬靈斯格 却禍除兇

玉炁三輪 洞運真風 紫戶含瓊 大度無終

左命青腰 右攝芝童 道遙風景 總御九空

玄壇應機 乘炁虛沖 萬真普降 濟度無窮

和與道合真

鳴法鼓二十四遍

无上三天玄元始三炁太上道君召出巨身

中三五功曹左右官使者侍香金童傳言玉

女五帝直符直日香官各三十二人出出若

嚴裝開啓玄壇天帝神君當召此間土地里

域真官正神急上開啓臣奉爲入齋意以

今午朝陞壇行道願得

玉清道炁靈寶妙光下降流入臣等身中即使玄壇清淨內外成真天無氛穢地絕妖塵琳琅振響十方肅清萬魔不干真誠上徹令臣所啓速達徑御

太上元極大道至真玉皇上帝 御前

請稱法位

具位奉行預修黃錄大齋法事小兆巨某與臨壇官衆等謹同誠上啓

太上元極大道虛元自然元始天尊太上道君太上老君高上玉皇十方已得道大聖衆

至真諸君丈人三十二天上帝玉虛上帝玉帝大帝東華南極西靈北真玄都玉京金闕

七寶瓊臺紫微上官靈寶至真明皇道君三十六部尊經玄中大法師上相上宰上保上

傳太平下教二十四真人西城總真王君太乙真人東嶽上卿司命茅君定錄保命二真

人名山洞府得道神仙三界官屬一切真靈臣聞碧落空歌萬聖流精於黎土紫虛鬱秀

五神混粹於華房回靈彰十轉之奇制運煥八威之妙七經駕景朝祖炁於玄關八緯凝

真蕩靈光於丹谷勒神鄉而玉龍度品檢鬼  
營而金馬驛程赤書敷煥於八方紫宇昭回  
於四極五方靈篆三寶神章九幽開濟度之  
瑤圖三籙耀威儀之瓊策入幽出顯明丁甲  
變化之靈返陰還陽昭天地虛玄之聖藏紫  
宮而期逾萬劫開錦囊而瑞逸九霄道既顯  
於上穹放斯流於下土今齋主某冰清宇垢  
風散襟氛心馳紫闕之崇目睇丹臺之峻念  
二儀密覆期朱顏綠鬢之圖形而五紀潛移  
恍皓首厓眉之入眼生前碌碌身後茫茫孰  
砥柱於福基曷棟梁於慶運夙宵荆甲明發  
針德載瞻鳳笈之玉章申睇鸞函之寶籙二  
符赫奕生留自在之身九戒勤渠劫劫保  
長存之景聖力聿彰於北鬱神功常著於南  
丹誓罄依期先佩奉爰按預修之旨微福  
玄壇幸遵受度之文祈恩紫禁闕九幽之慧  
選禪五苦之慈航丹筆誠孚青藤敬徹扣天  
墀而虎拜旌民欲之蟻忱壇有青詞謹當宣  
奏

宣詞

第八

十

按如詞旨備切忱恂臣等齋嚴冠裳宮商環  
珮驚立華坳之祀鳧趨文石之班鳥御經天  
耀朱寶絳柯之彩鸞林煥景振翠條碧翰之  
音瞻麗色於紫虛仰粹容於丹宸十華日麗  
三極雲清綠葦丹輿紛歲蕤於天仗玄龍朱  
鳳舞容與之仙儀承顏浩劫之尊扣首虛无  
之聖光中凝妙景外通玄鑿激切之葵忱降  
羅敷之芝澤天人加額幽顯歡顏  
以今臨午行道請法衆等運茲初捨上香  
願此香烟騰空徑上供養

无上至真道寶臣等皈身皈神皈命首體投

地仰依

太上三尊願以是功德上祝

皇帝陛下伏願德邁三皇功超五帝八圖載

德朝東嶽泰定之期九執同仁拱北慶文明

之運四德美彰於內掖三朝孝著於東宮社

稷先靈汎龍旂而御景宗枝列輔扶鳳曆以

齊天巍巍有道之長湯湯無爲之化今故燒

香自皈依

師尊大聖衆至真之德得道之後保天長存

第八

十

和與道合真

以今臨午行道請法衆等運茲二捨上香

願此香烟騰空徑上供養

无上至真經寶臣等皈身皈神皈命首體投

地仰依

太上三尊願以是功德皈流齋主某伏願福

海深澄壽山聳秀雲鵬萬里乘海運以扶搖

風鶴九皋樂天和而鼓舞視履常陶於玉樹

留顏永駐於金花玄祖超凌削六宮之罪簿

姻親樂育崇四極之仙編潤身履之芝蘭襲

絃歌於素梓今故燒香自皈依

師尊大聖衆至真之德得道之後升入無形

和與道合真

以今臨午行道請法衆等運茲三捨上香

願此香烟騰空徑上供養

无上至真師寶臣等皈身皈神皈命首體投

地仰依

太上三尊願以是功德皈流齋守之間獻牧

守宰文武職僚伏願承天布德體道施仁政

美崇陰絕當道豺狼之暴瑞變秀無他鄉

鴻鴈之曼風沉方野之綠林雨鞠國靡之青  
草柳營月煖成八陣之奇勳榆塞風清藹三  
邊之偉績虎符榮綬鳳綵重環今故燒香自  
皈依

師尊大聖眾至真之德得道之後升入無形  
和與道合真

禮方 儀方

命魔 步虛

三答 三禮

重稱法位

具位臣恭謹重誠上啓

太上无極大道元始天尊太上道君太上老  
君无上玄老十方已得道大聖眾至真諸君  
丈人三十六部尊經玄中大法師天師君上  
相上宰四司五帝三界官屬一切真靈臣等  
識倫營燭志慕鸞遷承浩蕩之慶綠降魏我  
之道運蒼虬玉籙莫樓雲岫以心修紫鳳金  
圖徒踐塵樊而身佩榜材自歎榆景難留勲  
行無萬一之圓悔尤有億千之積愆雲布澤  
尚副跡於玄班法雨承流期竭誠於黃混乘

非履過弘道憲天既初忱證誓於三官敢終  
志寒盟於四極今齋主某目瞻蒼昊心邇紫  
清浩乎萬水之朝東爛若衆星之拱北修齋  
行道保福祿於今生膺戒佩符襲楨梓於後  
世猶慮聖源波漲覺地塵生慕鴻鶴以心馳

縱猿猴之志蕩狂瀾愈倒昏霧終迷三彭伺  
隙以紛紜二豎乘危而流浪茅塞虛靈之選  
荆荒粹妙之天爰根惡根生死根膠其結節  
業障報障煩惱障混其形神或高曾之塚訟  
牽連或冤憎之仇讎對匪獨塵累曷就良

緣惟頌爵祿於端門願敷帝澤庶滌憲章於  
幽戶冀奮天威金符煥耀以開春玉詔飛行  
而照夜銷名北府列字南昌釋考訟於寒庭  
散勾連於夜壑春風亭院酬華駐景於玄泉  
秋月簾櫳濯秀融光於霞液玉在山而石潤  
珠藏水以淵澄福衍脩齡永對陽天之艷麗

慶流累劫俱辭陰地之幽家返胎更生登真  
度命上願玄黃澄晏日月輝華河洛呈祥山  
澤昭瑞被髮含齒逍遙共樂於堯年帶羽披  
毛鼓舞永依於舜日畎畝絕遺蝗之影封疆

珍暴虎之蹤九疊春融百昌日茂則上明  
天尊大慈之化下副臣等皈命之誠謹啓以  
聞

發願

存神燒香

香官使者左右龍虎君侍香諸靈官當令臣  
午朝陞壇行道之所自然生金液丹碧芝英  
百靈衆真交會在此香火壇前令臣學道得  
道求仙得仙齋主受福幽顯沾恩十方仙童  
玉女侍衛蘭烟傳臣向來所啓速達徑御  
太上无極大道至真玉皇上帝 御前

出堂頌

靈寶領教濟度金書卷之一百六十五